

Mid-Day Dogri News Bulletin

12 Sept. 2025

समा - 12:25 hrs.

<><><><><><>

VP –Oath

राष्ट्रपति द्रोपदी मुर्मू होंरें सी.पी. राधाकृष्णन होंरें गी मुख्य दे उप-राष्ट्रपति दे ओहदे दी संगंध चुकाई। इस सरबंघे च राष्ट्रपति भवन च इक कार्यक्रम दा आयोजन कीता गया। इस मौके पर प्रधानमंत्री नरेन्द्र मोदी, साबका राष्ट्रपति रामनाथ कोविंद, साबका उप-राष्ट्रपति जगदीप धनखड़, केन्द्रीय मंत्री अमित शाह, राजनाथ सिंह, जे.पी. नड्डा, पीयूष गोयल, नितिन गडकरी होर मौजूद हे। 9 सितम्बर गी होए दे चुना च राधाकृष्ण होंरें जित हासिल कीती ही। एन.डी.ए दे मेदवार राधाकृष्ण होंरें गी 452 वोट हासल होए। उनें INIDIA ब्लाक दे मेदवार ते सुप्रीम कोर्ट दे साबका जज बी. सुदर्शन रेड्डी होंरें गी 152 वोटें कन्नै हराया हा।

<><><><><><>

LG Sewa Parv

उपराज्यपाल मनोज सिन्हा होंरें इक उच्च स्तह दी बैठक लाइयै केन्द्र शासित प्रदेश च 17 सितम्बर थवां 2 अक्टूबर 2025 तगर मनाए जाने आहले “सेवा पर्व” लेई तयारियें दा जायजा लैता। उनें अफसरें गी हिदायत कीती जे ओह सब्भनैं दी शमूलियत ते समाज दे हर वर्ग गी विकास सरबंधी जत्ने दे लाह हासल करोआन। सेवा दी भावना पर बल दिंदे होई उपराज्यपाल होंरें मुकामी निकाएं-युवाएं ते सिविल सोसाइटी दी शमूलियत यकीनी बनाने लेई गलाया। “सेवा पर्व” दौरान कल्याणकारी स्कीमें-साफ-सफाई आहली मुहीम ते समुदाय तगर पुज्ज बनाने ते

सब्भनं दे बरोबर विकास ते नागरिक अधारित प्रशासन प्रति सरकार दी वचनबद्धता गी यकीनी बनाया जाग। आकाशवाणी जम्मू दे क्षेत्रिय समाचार एकांश आस्सेया बी इस सरबंध्य च खास परिचर्चाएं आहली श्रृंखला दा सरिस्ता कीता जा रदा ऐ- जेदे च साहड़े मेहमान बक्ख-बक्ख विशें पर अपने विचार सांझा करगंन।

<><><><><><>

LG MoU

उपराज्यपाल मनोज सिन्हा होरें घोषणा कीती ऐ जे HRDS India ते जम्मू ते कश्मीर खिते दे डिविजनल कमीशनर बश्कार समझौते-पत्र पर दस्तख्त कीते गे न तां जे ऑपरेशन सिंदूर हाल च आए दे हाड़े ते आतंकवाद करी प्रभावित लोकें लेई 15 सौ घर मुफ्त बनाए जागंन। त्रै बैडरूम आहले एह घर आराम-सुरक्षा ते डिजिटल राबता उपलब्ध करोआगंन। HRDS India आसेया बीमा म्हीने-म्हीने सेहत सरबंधी जांच बी उपलब्ध करोआई जाग।

<><><><><><>

Itoo Healthcare

सरकार आसेया पूरे केन्द्र शासत प्रदेश च सेहत सरबंधी ढांचे गी बढावा देने लेई 124 करोड़ 83 लक्ख अलॉट कीते गे न। सेहत मंत्री स्कीना इतू होरें इस बारे सोशल मीडिया दी इक पोस्ट च जानकारी दिती। इस फंड कन्नै GMC जम्मू च सिटी स्कैन-GMC बारामुला-कठुआ ते राजौरी च MRI मशीन-GMC श्रीनगर च PET Scan मशीन लाई जाग ते 80 टैलीमैडिसन युनिटस गी मजबूत कीता जाग।

<><><><><><>

Vaishno Devi Yatra

खराब मौसम ते जरूरी रक्ख-रखाव दे चलदे श्री माता वैष्णो देवी दी यात्रा गी किश दिनें थमां रोकेया गेदा हा- मेद ऐ जे मौसम ठीक रौहने दे चलदे ए यात्रा 14 सितम्बर थमां परतियै शुरु होई जाग। यात्रा पर औने आहले श्रद्धालुं गी सलाह दिती गई ऐ जे ओ यात्रा दौरान अपने कन्नै अपना पंछान-पत्र रक्खन ते दिते गेदे दिशा-निर्देशों दी पूरी पालमा करन।

<><><><><><>

GST Reforms

जम्मू-कश्मीर दे बसनीकेँ हाल च GST दी दरें च कीती गेदी कटौती आहली घोषणा दा सोआगत कीता ऐ। इनें कटौतियें कन्नै मध्य वर्ग गी लाह होग। अगली पीढ़ी दे GST सुधारें तैहत जरूरी चीजें-बस्ते जियां दुध-बिजन मार्के आहले चौलकनक ते दालें गी GST थवां छूट दिती गई ऐ। हर चाली दी Bread गी गैर-GST Slab च रक्खेया गया ऐ जेदे कन्नै घरें च इस्तेमाल होने आहलियां चीजां किफायती भाएं पर उपलब्ध होग।

<><><><><><>

Weather

मौसम विभाग नै आक्खेआ ऐ जे अज्ज जम्मू-कश्मीर च मौसम आमतौर पर खुश्क, गर्म ते उमस आहला रौहग। किश थाहरें पर हल्की बरखा जां गरज-चमक होई सकदी ऐ। जम्मू खिते दे किश जिलें च दरम्याने दर्जे दी बरखा 13 सितंबर गी बड्डलै होई सकदी ऐ ते किश थाहरें पर इस्सै रोज हल्की बरखा पौने दी मेद ऐ। 14 थमां 17 सितंबर बश्कार किश थाहरें पर हल्की

बरखा ते गरज-चमक होई सकदी ऐ। किश थाहरें पर ल्हास-पस्सियां ते कुप्पड़ पौने दी मेद बी जताई गई ऐ।

<><><><><><>

PTC-Announcement

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि PTC लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओह जम्मू जिले दा रौहने आहला ऐ, एदे लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोइचदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोइचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोइचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू च 14 September 2025 संज्रा 6 बजे कोला पैहले -पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>